



N 21/3377
10/05/2023

3377-21-2-202305101117



ბაქო-თბილისი-ჯეიჰანი მილსადენის კომპანია (საქართველო)-ს
მის: ქ. თბილისი, იალბუჯის ქუჩა 14
ელ-ფოსტა: laitn0@bp.com

სსიპ გარემოს ეროვნულმა სააგენტომ განიხილა თქვენი №2817 სკრინინგის განცხადება, რომელიც ეხება ბორჯომის მუნიციპალიტეტში, სოფ. ანდეზიტის მიმდებარედ მდ. ცხრაწყაროს ნაპირდაცვითი სამუშაოების განხორციელებას.

გაცნობებთ, რომ სკრინინგის განცხადებაში დაზუსტებას საჭიროებს და მოცემული უნდა იყოს საქმიანობასთან დაკავშირებული შემდეგი საკითხები:

- გრაფიკულ ნაწილში წარმოდგენილ 1-1, 4-4 და 5-5 განივ კვეთებზე დამცავი ნაგებობის თხემის ნიშნული უფრო დაბლაა, ვიდრე საანგარიშო დატბორვის დონე, ამდენად ამ უბნებზე, საანგარიშო წყალდიდობის დროს, მოსალოდნელია ტერიტორიის დატბორვა;
- მრუდხაზოვან უბანზე კალაპოტის მაქსიმალური წარეცხვის სიღრმის განსაზღვრის დროს გათვალისწინებული უნდა იყოს ფერდობის საპროექტო დახრილობა;
- წარმოდგენილი დოკუმენტაციის თანახმად, მდ. ცხრაწყაროში თევზი არ ბინადრობს და არ არის წარმოდგენილი საქვირითე ადგილები. გარდა ამისა, პროექტის მიხედვით მოხდება მდინარის ნაკადის დროებით კალაპოტში გადატანა. ყოველივე ზემოაღნიშნულიდან გამომდინარე საჭიროა სკრინინგის განცხადებაში წარმოდგენილი იყოს უფრო დეტალური ინფორმაცია მდ. ცხრაწყაროში გავრცელებულ წყლის და წყალზე დამოკიდებულ სახეობებზე, მათზე მოსალოდნელ ზემოქმედებაზე და ამ ზემოქმედების თავიდან აცილების ღონისძიებებზე;
- სკრინინგის განცხადებაში (ცხრილი №9- სამშენებლო სამუშაოების მოცულობათა უწყისი) აღნიშნულია რომ პროექტის ფარგლებში მოხდება 1012 მ³ მოცულობის გრუნტის ექსკავაცია. დაზუსტებას საჭიროებს დაგეგმილი საქმიანობის ფარგლებში ექსკავირებული გრუნტის შემდგომი მართვის საკითხი.

ზემოაღნიშნულიდან გამომდინარე, სააგენტო კანონმდებლობის შესაბამისად სკრინინგის გადაწყვეტილების გაცემის მიზნით ადმინისტრაციულ წარმოებას დაიწყებს მითითებული შენიშვნების გათვალისწინებით შესწორებული სკრინინგის განცხადების წარმოდგენის შემდეგ.

თამარ ფიცხელაური

თ. ფიცხელაური

სააგენტოს უფროსი

სსიპ გარემოს ეროვნული სააგენტო

